

## CONSELLO GALEGO DE COOPERATIVAS

*Resolución do 15 de decembro de 2009, do Consello Galego de Cooperativas, pola que se dispón a publicación do acordo sobre premios á cooperación.*

O Consello Galego de Cooperativas, na súa sesión plenaria do 15 de decembro de 2009, acordou aprobar as bases reguladoras dos premios á cooperación para o ano 2010.

En uso das atribucións que teño conferidas pola Lei 5/1998, do 18 de decembro de cooperativas de Galicia, e polo Decreto 25/2001, do 18 de xaneiro, polo que se regula a organización e funcionamento do Consello Galego de Cooperativas

### DISPOÑO:

A publicación no *Diario Oficial de Galicia* do acordo referido.

Santiago de Compostela, 15 de decembro de 2009.

Beatriz Mato Otero  
Presidenta do Consello Galego de Cooperativas

**Acordo do Consello Galego de Cooperativas, do 15 de decembro de 2009, polo que se convocan os IX Premios á cooperación**

A Constitución española no seu artigo 129.2º encoméndalles aos poderes públicos a promoción das diversas formas de participación na empresa e o fomento, mediante unha lexislación adecuada, das sociedades cooperativas.

A Comunidade Autónoma galega asumiu a competencia exclusiva en materia de cooperativas en virtude da transferencia feita pola Lei orgánica 16/1995, ampliando a recollida no artigo 28.7º do Estatuto de autonomía de Galicia.

En uso da referida competencia ditouse a Lei 5/1998, do 18 de decembro, de cooperativas de Galicia, a cal reconece de interese social a promoción e o desenvolvemento das sociedades cooperativas, creando o Consello Galego de Cooperativas como máximo órgano de promoción e difusión do cooperativismo na comunidade autónoma, coa encomenda de velar polo cumprimento dos principios cooperativos, pola axeitada aplicación da lei e polo respecto das regras dunha xestión correcta e democrática das cooperativas de Galicia.

Coa finalidade de fomentar e difundir o cooperativismo na comunidade autónoma, así como para recompensar publicamente o labor que as cooperativas e outras institucións e persoas veñen realizando neste sentido, o Consello Galego de Cooperativas considerou axeitado instituír con periodicidade anual os premios á cooperación.

Polo que antecede, o Pleno do Consello Galego de Cooperativas, na súa reunión do do 15 de decembro de 2009,

### ACORDOU:

Único.-Aprobar as bases polas que se regulan os premios á cooperación para o ano 2010, segundo o anexo que se xunta.

### ANEXO

#### Bases polas que se rexerá a convocatoria dos Premios á cooperación 2010

##### Primeira.-Destinatarios.

Poderán optar a estes premios as cooperativas e as persoas físicas ou xurídicas, públicas ou privadas, que realizasen un destacado labor no eido do cooperativismo na Comunidade Autónoma galega.

##### Segunda.-Modalidade.

Os premios á cooperación convócanse baixo as seguintes modalidades:

- Premio aos valores cooperativos.
- Premio ao mellor proxecto cooperativo.
- Premio á promoción do cooperativismo.

##### Terceira.-Premio aos valores cooperativos.

1. Outorgarase á cooperativa, entidade ou persoa que máis teña destacado no impulso dos valores cooperativos na Comunidade Autónoma galega.

2. O xurado valorará a traxectoria dos/as candidatos/as, especialmente as actuacións dirixidas á aplicación práctica dos principios cooperativos establecidos pola Alianza Cooperativa Internacional e a súa adecuación ao marco socioeconómico galego.

3. O premio terá unha dotación económica de 6.000 euros.

##### Cuarta.-Premio ao mellor proxecto cooperativo.

1. Outorgarase ao proxecto empresarial cooperativo de especial relevancia, tanto de cooperativas de nova creación como das previamente existentes.

2. O xurado terá en conta a especial relevancia do proxecto, que pode vir determinada tanto polo seu carácter innovador ou de intercooperación como por outras características singulares e pola súa repercusión no contorno, especialmente nos eidos económico, social e laboral.

3. O premio terá unha dotación económica de 6.000 euros.

##### Quinta.-Premio á promoción do cooperativismo.

1. Outorgarase á persoa ou entidade que teña destacado especialmente no fomento do cooperativismo, tanto pola súa traxectoria como por actuacións de carácter puntual que resulten particularmente significativas.

2. O xurado terá en conta a actividade ou actividades realizadas polos/as candidatos/as e a súa repercusión na implantación e desenvolvemento do cooperativismo en Galicia, tanto nos seus aspectos cualitativos como cuantitativos, e valorará especialmente os persoais do cooperativismo como xeito de recoñecer as súas traxectorias neste eido.

3. O premio terá unha dotación económica de 6.000 euros.

*Sexta.-Candidaturas, documentación e prazo.*

As candidaturas poderán presentarse, asinadas polo/a candidato/a ou persoa que o propoña, na Secretaría do Consello Galego de Cooperativas (Consellería de Traballo e Benestar, edificios administrativos de San Lázaro, Santiago de Compostela) acompañada de memoria explicativa e documentación xustificativa dos valores e méritos alegados.

Poderase requirir dos interesados aquela información e documentación complementaria que poida resultar relevante para a avaliación dos méritos alegados, particularmente en relación coa aplicación práctica dos principios e valores cooperativos.

O prazo de presentación de solicitudes rematará o 31 de maio de 2010.

*Sétima.-Xurado.*

Para efectos de concesión dos premios, actuará como xurado a Comisión Permanente do Consello Galego de Cooperativas e a súa decisión será inapelable.

O xurado poderá declarar os premios desertos ou conceder premios compartidos. De existiren premios desertos, a súa contía poderase acumular aos premios que se concedan de xeito compartido.

*Oitava.-Entrega dos premios.*

Todos os premios serán outorgados polo xurado e procederase á súa entrega no transcurso do acto público que se celebrará con motivo do día do cooperativismo galego.

*Novena.*

A participación nestes premios supón a aceptación incondicional destas bases.

**TRIBUNAL DE CONTAS (SECCIÓN DE AXUIZAMENTO-DEPARTAMENTO TERCEIRO)**

*Edicto (163/2009-0).*

O director técnico do Departamento Terceiro e secretario no procedemento de reintegro por alcance nº C-163/2009-0, en méritos ao acordado en providencia da Conselleira de Contas, con data do 21 de xaneiro de 2010, e para dar cumprimento ao previsto no artigo 68.1º en relación co 73.1º ambos da

Lei 7/1988, do 5 de abril, reguladora do funcionamento do Tribunal de Contas.

Fai saber: que neste tribunal se segue procedemento de reintegro por alcance nº c-16372009-0 do ramo de comunidades autónomas (inf. fiscal *Fundación Semana Verde de Galicia*, exercicio 2004), Galicia, como consecuencia dun presunto alcance habido na *Fundación Semana Verde de Galicia*.

O que se fai público coa finalidade de que os legalmente habilitados para o mantemento ou oposición á pretensión de responsabilidade contable poidan comparecer nos autos, comparecendo en legal forma dentro do prazo dos nove días seguintes á publicación deste edicto.

Dado en Madrid, 22 de xaneiro de 2010.

Navarro Corbacho  
Director técnico-secretario do procedemento  
Asinado e rubricado

**IV. OPOSICIÓNS E CONCURSOS**

**SERVIZO GALEGO DE SAÚDE**

*Resolución do 18 de xaneiro de 2010, da Xerencia do Complexo Hospitalario Universitario de Vigo, pola que se resolve a convocatoria pública para a provisión do posto de xefatura de persoal de xestión e servizos-xefe da Sección da Área de Inmobilizado deste complexo hospitalario.*

Convocada por Resolución do 22 de xuño de 2009 (DOG nº 135, do 13 de xullo), modificada pola Resolución do 25 de agosto de 2009 (DOG nº 184, do 18 de setembro) a provisión do posto de persoal de xestión e servizos: xefe da Sección da Área de Inmobilizado, esta xerencia, de conformidade coa competencia atribuída no artigo 3º da orde da Consellería de Sanidade do 24 de maio de 2006 pola que se establecen as bases do procedemento para a provisión dos postos de xefatura e coordinación das institucións sanitarias do Servizo Galego de Saúde (DOG nº 106, do 5 de xuño), e da Orde do 15 de xuño de 2009 sobre delegación de competencias en órganos centrais e periféricos do Servizo Galego de Saúde,

**DISPÓN:**

Primeiro.-Resolver a convocatoria pública para a provisión do posto de persoal de xestión e servizos: xefe da Sección da Área de Inmobilizado do Complexo Hospitalario Universitario de Vigo, convocado